

元始无量度人上品妙經卷之十七

扶桑青陽品

道言昔於蒼靈天中青芽雲歌大好生土受元始度人扶桑青陽无量上品元始天尊當說是經周回十過以召十方始當詣座天真大神上聖高尊妙行真人扶桑大帝青華帝君青陽寶耀木皇九炁上真道君天官從騎真仙真人無鞅數眾乘空而來寶雲青霄合沓紫烟琅碧瓊輿八真飛輦葭葢流蔭靈霞散空七色蔚靄洞煥高空九日九夜諸天日月星宿停虛倚輪五緯舒光天經順行元綱鎮靜二道清平流暉關紐七辰煥明一國地土山川林木緬平一等無復高下土潤琳琅無有異色眾

道藏輯要

度人妙經

五

角集四
x88

真侍坐元始天尊玄坐空浮青麟玉臺海光寶雲之座說經一遍諸天大聖同時稱善是時一國男女眾惡消除默契真道說經二遍流晶降體完堅萬神說經三遍五臟生華永無百疾說經四遍金光易骨瓊華鍊形說經五遍通體虛明飛行遊宴說經六遍化周八極普度十方說經七遍冥曹罷對進補真仙說經八遍元老五帝敷落妙音一切天人皆識雲芽說經九遍諸天諸地化現嘉祥說經十遍朽骨更生返形復命是時一國是男是女莫不傾心皆受護度咸得長生

道言是時元始天尊說經一遍東方无極无量品廣生大神無鞅之眾浮空而至說經二遍南方无極无量品明耀大神無鞅

之眾浮空而至說經三遍西方无極无量品皓晶大神無鞅之眾浮空而至說經四遍北方无極无量品玄變大神無鞅之眾浮空而至說經五遍東北无極无量品靈暉大神無鞅之眾浮空而至說經六遍東南无極无量品混合大神無鞅之眾浮空而至說經七遍西南无極无量品鎮安大神無鞅之眾浮空而至說經八遍西北无極无量品回風大神無鞅之眾浮空而至說經九遍上方无極无量品純德大神無鞅之眾浮空而至說經十遍下方无極无量品輔化大神無鞅之眾浮空而至十遍周竟十方无極天真青陽景耀大神一時同至一國男女傾心歸仰各以諸天寶花龍香白果恭敬供養來者有如雲影飛霧

道藏輯要

度人妙經

末

角集四

無鞅之眾進國一半土皆偏陷非可禁止於是元始懸一寶珠大若明星在太空之中去地九丈元始登引天真大神上聖高尊妙行真人十方无極青陽大神無鞅數眾俱入寶珠之中天人仰看惟見勃勃從珠口中入既入珠口不知所在國人廓散地還平正無復欹陷元始卽於寶珠之內說經都竟眾真監度以授於我當此之時喜慶難言法事粗悉諸天復位倏歛之間寂無遺響是時天人遇值經法曾得濟度全其本年無有中傷傾土歸仰咸奉高真合景合妙合炁合神合元合本合惠合靈合化合變合性合明心符上聖演範流行青陽降體雲芽發生二時灌鍊真道克成經始流布一國仰教咸聲至誠衛生保質

皆得度世

道言元始天尊說經中所言竝是諸天上帝內名隱韻之音亦是眞王內諱百靈之隱名也宣演扶桑帝景之山下接太溟青陽之炁纏結九霄圓景眞光三十萬里引其景者爲仙卿飲其華者爲至眞九道絳烟回度三靈瓊瑤變質敷羅玉英非世之常辭上聖已成眞人通玄究微能悉其章誦之十過扶桑鍊神陽華自成寶明煥燭大福來臻上聖之道奔挹五辰妙炁合炁飛昇玉京百邪伏滅大魔束形回屍起死白骨成人至學之士誦之十過則青腰奉書太丹吐輝含景浮光天靈啟扉東極降璽萬炁齊歸濟度羣品遊行太微所以爾者扶桑爲崑崙玉誕

道藏輯要

度人妙經

七

角集四

×××

之精青陽爲長生九榮之氣返年卻禍賜爾元老大帝之道也龍烟之神屈伸震垣肝葉敷玉關戶紫烟知此道者飛昇列仙色更嬰童變化神泉永保生妙合炁長延通眞達靈受慶綿綿輕誦此章身則受殃供養尊禮門戶興隆世世昌熾與善因緣萬災不干神明護門斯經尊妙獨步玉京度人无量爲萬道之宗巍巍大範德難可勝

道言凡誦是經十過諸天齊到青元上皇九華之精明耀扶桑大帝綠瑤之闕天葆少陽碧琳之宮敕命鳳光玉女持太玄開明青眞之符詔九幽寒庭泉府重陰之獄召青陽之神御死蒙生太陽羣靈隨光上昇九祖幽魂受度飛昇格皆九年受化更

生得爲貴人而好學是經功滿德就皆得神仙飛昇玉府下宴
方諸也上學之士修誦是經青陽入身玉精內化流注無英威
明執鉞斬伐屍根皆卽受度飛昇玉明世人受誦則洞戶琳琅
朱火明瑤陽真來應丹化紫房生道續命萬藹流芳保鍊玉飴
六府絳章五斗被膺坐鎮魁罡此經微妙普度無方一切天人
莫不受慶无量之福生死蒙惠上天所寶不傳下世至士齋金
寶效心盟天而傳輕泄漏慢殃及九祖長役冥官侍經始陽玉
童朱光玉女各一十二人營衛瓊文保護受經者身

道言正月長齋誦詠是經扶桑垂條青陽布英生炁變幽冥者
悉停使上世亡魂斷地逮役度上南宮七月長齋誦詠是經方

道藏輯要

度人妙經

六

角集四
×文×

諸降眞青華召靈身得神仙諸天書名黃籙白簡削死上生十
月長齋誦詠是經東霞保生賜谷開成八關啟蘊九炁敷成爲
國主帝主君臣父子安鎮國祚保天長存世世不絕常爲人君
安鎮其方民樂太平八節之日誦詠是經天山通景玉極延齡
得爲下元眞人本命之日誦詠是經太一下臨青帝監盟外運
玄炁內育三嬰魂神澄正萬炁長存不經苦惱身有光明三界
侍衛五帝司迎萬神朝禮名書上天功滿德就飛昇上清

道言行道之日皆當香湯沐浴齋戒入室東向叩齒三十二
通上聞三十二天心拜三十二遍閉目靜思身坐九陽蒼雲
之中內外蒼冥有青龍白虎朱雀玄武獅子白鶴羅列左右

日月照明洞煥室內頂生圓象光映十方如此分明密呪曰
无上玄元太上道君召出臣身中三五功曹左右官使者侍香
玉童傳言玉女五帝直符直日香官各三十二人關啟所言今
日吉慶長齋清堂修行至經无量度人願所啟上徹徑御
无上三十二天元始上帝至尊几前畢

引炁三十二過東向誦經

道藏輯要

度人妙經

卷

角集四

正一天師清微第一卷百卷製作
道教學術資訊網站

元始无量度人上品妙經

元始洞玄靈寶本章扶桑青陽九華上品化炁度人元晶隱韻
正運自然東極青真玄關化神九芒琅碧洞照陽門太无上劫
化生八靈青宮肇立扶桑億尋蚪龍交迴蛟螭委蟠青陽之精
升爲歲星開明蒼景是化天根下爲青華方諸玉宮上無復祖
與道同生玉垣真炁析爲寶文安鎮東方玄變純仁挹采華芒
結節洞明隱芝自生玉髓金筋蒼符開廓普殖神文無文不敷
無文不通無文不建無文不崇無文不化無文不隆是爲至妙
天中之宮瓊寶玉羅龍嶽剛峯上極无上圓耀高穹渺渺化城
安鎮太空青華離便神變九龍金闕黃房森羅淨靈神霄道炁

道藏輯要

度人妙經

三

×三〇

角集四

周徧天京中有度人不死之神中有方諸青童道君中有南極
長生之君中有東極青華帝君中有挹霞採光度世司馬大神
中有好生韓君丈人中有南上司命司錄延壽益算度厄尊神
迴骸起死无量度人今日校錄諸天臨軒

東方无極飛天青符神王長生大聖无量度人
南方无極飛天青炁神王長生大聖无量度人
西方无極飛天青爛神王長生大聖无量度人
北方无極飛天青精神王長生大聖无量度人
東北无極飛天青虛神王長生大聖无量度人
東南无極飛天青陽神王長生大聖无量度人

西南无極飛天青運神王長生大聖无量度人
西北无極飛天青帝神王長生大聖无量度人
上方无極飛天青景神王長生大聖无量度人
下方无極飛天青芽神王長生大聖无量度人
十方至真飛天神王長生度世无量大神竝乘飛光青輶之車
蒼珠碧琅之輦綠蓋玄輪驂駕丹鳳九首青龍建流霞之節廣
生靈旂前按洞章齊奏後唱玉謠同音白鳳麒麟嘯歌囉囉青
靈啟塗歲耀翼轅億乘萬騎浮空而來傾光回駕監真度生東
極丞相陽谷神宮帝司玄一九炁大神導降青精光照八冥碧
霞散飛三五順行骨生金暉迴耀瓊英青皇受書列位仙真校
道藏輯要

度人妙經

三

角集四

定羣品區別眾靈執錄把籍齊到玄庭隨所應度嚴校清都普
告十極杳漠高虛洞淵化府北闕靈居闔風崑丘瑤臺帝墟下
逮寒池長夜幽扃拔度祖考削落惡根不得拘留剋獲超升青
宮符命飛度無停神嶽鬱羅開衛形魂大魔監察度品朱陵死
魂鍊炁變朽成人身身受度劫劫長存隨劫輪轉與天齊年永
度三災八難九橫五苦超凌三界逍遙九清九清之天天帝保
安無色之境梵行

東方八天

修方正華天

帝天季宣庭

青芒順綱天

帝憫化神覺

繹真洞暎天

帝善徂越文

隆緒景師天

帝遙符玉渦

辨常起位天

帝閔閑資仁

歷濟桓輿天

帝護諱難

木極粹生天

帝工機顯房

廣風至化天

帝孟麟九中

南方八天

慶炎崇古天

帝信師拜凡

綠真應羅天

帝賁甯禱玄

宗理高明天

帝玄攸叙嘉

道藏輯要



度人妙經

三

角集四

日旗招炁天

帝太一紫庭

液華澤根天

帝雲蒲綠英

常經衛和天

帝耀靈泊元

洞空蔚陽天

帝飛日路咸

青宮啟生天

帝士勝育居

西方八天

定曦扶晨天

帝光空極真

曲桑漱瓊天

帝嬰定泰郊

羣黎寂鎖天

帝炁摩幽窳

玄墟正魔天

帝直鑲湛采

運歷開靈天

帝時維康假

素契治律天

帝召可司非

西清玉賓天

帝茨留江

道元聖山天

帝臺堅庸

北方八天

潛池演滋天

帝決隲少披

虛闕對神天

帝渺秩祿宜

寶羅帝陀天

帝呼畫頤光

豐營總監天

帝述廬猶朋

智廬降真天

帝蘇杜善提

道藏輯要

度人妙經

三

角集四

號都佐理保福天

帝部尤允淝

海靜雲儀玉夷天

帝洞義明持

壬領六司天

帝考按鬼神

三十二天三十二帝諸天隱諱諸天隱名天中空洞自然靈章

諸天隱韻青陽之音青陽之尊青陽之神青陽耀晶青陽之靈

九炁十華變化上清无量之奧深不可詳敷落神真普度天人

今日欣慶受度歷關諸天本真九皇倚杖扶桑妙靈攝炁結為

青陽青陽飛精碧光高升大圓照空億炁為程仁德逮下福資

聖君普覆區宇變化生靈仙真神龍克應至神和煬慈恕微妙

彰明上學感靈仰味天精神光下流骨玉顏金策登神霄披服

組紋拔苦扶難振佑生民請滅三惡斬絕地根扶桑吐華蟠條
散英瓊綠萬葉蒼雲千層上生靈寶紫光丹靈九芒纏虛煥爛
東辰遐想青輶龍仗繽紛青炁如絃挹采玄曠洗髓鍊神奔騰
玉津飛度九戶廓開八門真王監舉列告元真東斗降陽西斗
耀明北斗玄沆南斗光凌中斗益生總括萬靈青華啟暉皓芳
開性丹藥扶衛玄津保命黃英中貫普行教令大帝碧羅三界
大定蒼元上真綠炁東桑丹元上真鍊玉朱光素元上真皓華
流芳玄元上真雙闕提綱中元上真坐鎮明堂五元至神上景
之真含芳拱露交幹雙筵飛龍高舉落鳳騫星統部靈魔萬神
之宗飛行三道總統仙兵麾幢鼓節遊觀九清自號赫奕諸天

道藏輯要

度人妙經

卷

角集四

齊功上天化民嚴攝羅酆真王受命普掃祇凶伯華降晶龍耀
持鋒太丹流雲威化無邊神帥擲火萬里飛煙金鈴迸擊玉戟
八懸敢有干試拒遏高仙玄鉞前戮神金後刑屠割祇爽激蕩
無停千千截首萬萬翦形魔無干犯鬼無祇精三官九司明按
鬼營不得容隱玉馬交呈普告無方萬彙咸聽三界五帝列言

上清

元洞玉厯東極扶桑未開五劫初判青陽陽華發生三元紀綱
生爲神仙道樞已張震動知覺龍漢延康眇眇億劫混沌之中
青顯爲色陽墮成洲風爲木神澤爲木元風澤洞虛金石凝天
天上天下大化冥冥陽光浩蕩無極無名洪濛大道遼廓無光

丹暉啟圖運度自然青華安鎮綠誥瓊篇赤書玉字九炁龍文
保制劫運使天長存梵炁彌羅萬範開張木真流演四羅諸天
輪轉綱維回度無邊旋角歷箕粲斗車廂傍俠天經運化五帝
玉城九門青帝東鄉三十五分總炁上元八景冥合炁入玄玄
玄中太皇玉極仙真乘景步虛下照桑林千真共會帝庭飲食
青陽浩劫采淪汎景紫霄吟詠洞章金真朗秀流響雲宮靈音
化景混合回風太虛鬱微輔翼玄空青陽入肝碧樓玉山中
有
少童錦衣美冠手執天籥吹噓百關內通境界感御披蘭白珠
累累靈流三田鼓橐茹和赫然成丹千和萬合自然成真真爲
青陽陽中有神長生大君曜元公子浩晶尊神方諸司命暘谷
道藏輯要

度人妙經

卷

之三

角集四

合延執符把籙保命生根上遊九清出入琳房八關之內細微
之中下鎮人身瓊樓絳宮中理五炁混合百神十轉回靈與炁
俱仙仙道貴生蒼垣度人上開九門青光大輪司治天政下劫
鬼神中主人民罪福因緣曾受開度死魂生身身得受生上聞
諸天諸天之上各有生門中有碧桑雲葉自然青陽空洞之謠
真王靈篇辭參高真

第一碧海扶桑飛空之音

玉都翠京

下連碧淵

光霞億萬

青陽九玄

寒波泛溢

蒼景扶桑

並生萬尋

神風化綱

葉映碧落

中祕龍章

歌空成韻

枝舞鸞翔

元精紫羅

綠英瑤瑤

林密如雲

中有上真

寶弁峩峩

交龍羽裙

厥號太帝

扶桑之尊

無英伯華

龍胎九魂

主教至學

灌鍊五形

千變萬化

八道揚旌

勒我上範

方諸紀名

第二青陽寶曜真王之章

扶桑連理

並幹相倚

接雲龍升

逼波雷起

蟠根蜿蜒

接曲千里

道藏輯要

度人妙經

三五

角集四

青宮大神

太一元尊

碧霞鬱壘

玄相老人

三界仰德

九土蒙恩

桑林之真

炁名青陽

昇於神天

結秀紫房

寶耀赫奕

傾丹化鄉

下照億天

无極威光

生育列聖

飛度延康

仰引神霞

經天緯常

悟此得生道

識者通神靈

吟詠青陽章

九天俯雲輪

第三東極青華帝君歌曰

寶山峙東南

上有真王宮

盤根凌太虛

下聘九霄中

內列諸靈司

洞治億天宗

元嗣輔上帝

統御興真風

鑑觀圓羅下

驂駕飛天龍

十極秉元化

大魔爲攷功

收制六天兵

使道永興隆

飛章請玉詔

玄符赦羅酆

大慈憫長夜

五苦使咸停

與我本同氣

脩然宴赤明

變化無邊際

普度諸天民

胡爲樂須臾

貪欲勞其神

不學上真道

歷歲空悲辛

我今爲此歌

清音感玄人

此三界之上飛空之中真王歌音音參洞章誦之百徧名度南

道藏輯要

度人妙經

卷

角集四

宮誦之千徧真王保迎萬徧道備飛昇太空過度三界位登仙

公有聞靈音真王召神敕制地祇侍衛送迎拔出地戶五苦八

難七祖升遷永離幽山魂度朱陵受鍊更生是謂量普度无

窮有秘上天文諸天共所崇泄慢墮地獄禍及七祖翁

道言此二章並是諸天上帝及至靈真王隱秘之音顯明扶桑

之山仙國宏遠其山面方萬里在碧海之東去中國九十萬里

上通神霄玉府億萬里中有太真王扶桑大帝方諸仙青童道

君東極青華之別宮山生巨桑內黃而外紅其華食之長生其

液狀如玉飴服之壽千劫鍊之爲丹餌爲高真其根感玉京崑

山之玉津孕於桑中下生玉璞如世松根而有茯苓茯苓千年

生威善扶桑之下有玉璞温瑩殊美並能制鳳凰立於其上下
方生玉玉結未成凝爲流液服之變爲嬰童壽等天地扶桑之
上有靈雞鸞鳳九色之鳥日旦升於若木金烏飛於桑上卽日
出暘谷其扶桑之頂有炁名青陽上爲木星光照三十萬里徑
一百里十二年一周天三百九十九日一見伏凡八十三年七
十六見而七周天中有星帝后妃夫人官屬木皇爲之主爾修
其道則玄丹太一吐納青炁太一天尊授兆青符無英公子飲
兆青精龍煙丈人威盟真人受兆東方真文御青陽以東升音
旨微妙皆是大梵之言非世上常辭言無韻麗曲無華宛故謂
玄奧難可尋詳上天所寶秘於玄都高上神霄玉清玉府東藏
格告盟十天然後而付焉

道藏輯要

度人妙經

卷

四

角集四

經室依科三萬七千年應運下傳若有至人齋金寶質心依舊
道言夫青陽爲生福之力本有形之類無不賴之至若天地運
度否終日月五星虧盈至聖神人休否末學之夫疾傷凡有此
災同氣皆當齊心修齋六時行香十徧轉經福德立降消諸不
祥无量之文普度無窮

道言夫末學道淺或仙品未充運應滅度身經太陰臨過之時
同學至人爲其行香誦經十過以度屍形如法則東極青華帝
君賜通光之符召青陽之炁於無英之宮流太玄青精生炁入
兆之肝府死戶閉塞木皇內遊含明文入爲兆啟紫蘭之室開

青珠之檢授兆隱文兆之精靈按而誦之魂神經上南宮隨其學功計日而得更生輪轉不惑便得神仙

道言夫天地運終星宿錯度日月失明四時失序陰陽不調國土災怪水火厄難疫毒流行兆民死傷師友命過善士橫殃皆當修齋行香誦經夫齋戒誦經功德甚重上消天災保鎮帝王下禳毒害以度兆民生死受賴其福難勝故曰无量普度天人道言凡有是經能為天地帝主兆民行是功德有災之日發心修齋燒香誦經十過皆諸天記名萬神侍衛右別至人剋得為聖君金闕之臣諸天記人功過毫分無失天中真王亦保舉爾身得道者乃當洞明至言也

道藏輯要

度人妙經

三

角集四

諸天中大梵隱語无量音

道君撰

元始靈書扶桑青陽玉篇

東方八天

翟軒峭羅

傾音謨光

歷紀悲響

迎贖邱玄

濟淙敬累

固淵蔽芒

憫協華迹

曜度氏房

奇魚立嬪

制儀蒙剛

海鄒夜潭

舒毗琳琅

扁幾合無

邁盈東祥

矧測雉兌

旒胡并唐

南方八天

戰熾兜鄩

陀騰炯瞻

戚孺臧殷

命魔設官

極臺勅吏

走驛告嚴

陽居始都

究萌部端

猛聚定棘

鹿温冥牢

景補皇位

靜部尤常

烈卑柄重

吉祺信諭

茂期諶于

昆熙夷光

西方八天

瑟那志靈

褥達侯度

頂礎蔚京

陸省備助

菴乙布獮

求銖閱正

狠文辭嶇

途營譟兵

厭騰釋璘

道藏輯要

度人妙經

三

角集四

葆疇尹倉

萬彥師倫

池府爵屍

犇寶印里

述冥關闌

幽河斗神

金名祝伸

北方八天

扶曦霞梁

絕革伎疆

耀學素寂

抱帝澤門

藺符紫丁

夜舍追擬

託詫蘊胸

叵沙燕侮

縛爾泉奔

交竒浮綱

淨信同法

罔慈擊亢

瀆延龍衷

計羅卓傳

業俞鄭璠

石雷皓清

道言此諸天中大梵隱語无量之音舊文刻書青華帝君左闕
玉臺之上青陽洞煥木道其昌仁澤純被壽樂靈遐施生於地
惠德於天中遊至虛妙歸三元福貴本始道賞其玄字皆廣長
一丈天真皇人昔書其文以爲正音有知其音能齋而誦之者
諸天皆遣飛天神王下觀其身書其功勤上奏諸天萬神朝禮
地祇侍門大成真王保舉木真道備剋得遊行三界昇入金門
此音無所不辟無所不禳無所不度無所不成天真自然之音
也故誦之致神王下觀上帝遙唱萬神朝禮三界侍軒羣祿束
首鬼精自亡琳瑯振響十方肅清河海靜默山嶽吞煙萬靈振
伏召集羣仙天無氛穢地無祲塵冥慧洞清大量之玄也

道藏輯要

度人妙經

三

角集四